

SARS / Private Sector Authorised Economic Operator Stakeholder Group

Tshwane, 9 Mawuwani 2021 - Vukorhokeri bya Xibalo bya Afrika-Dzonga (SARS) na Business Unity South Africa (BUSA) va tsakile ku tivisa ku vumbiwa ka *SARS Private Sector Authorised Economic Operator (AEO) Stakeholder Group*.

Vufambisi bya le mindzilekanini byi lava ndzinganiso wa kahle wa mfambiso wa vuxavisi, nhlengeleto wa swibalo leswi lulameke, enkarhini wo fana, ku antswisa nandzeleriso. Xikongomelo xa kungu xa vunhungu xa SARS xi lemuka leswaku SARS yi nge koti ku endla leswi yi ri yoxe, hi fanele ku tirha na hi ku tirhisa vakhumbheki ku fikelela xikongomelo xa hina. AEO i mulamuri wa nkoka ku fikelela leswi. Cincano wa vukorhokeri na tinhundzu i mpimo wa matimbak'endla, xindzhuti na vutshembheki exikarhi ka mavandla. Phurogireme ya AEO yi ta tiyisisa ku humelela ka ndzinganiso lowu wa kahle eka hakelo ya le hansi leyi kotekaka, handle ka ntwanano wun'wana na wun'wana eka mixungeto ya nandzeleriso wa xibalo leyi phaseji ya tinhundzu na vukorhokeri emindzilekanini ya hina yi yi kombisaka.

Xikongomelo xa kungu xa SARS i ku tirhela ku ya eka sisiteme ya nandzeleriso hi ntsakelo. Leswi swi lava SARS yi ya emahlweni yi vekela ku tshembha eka vahakelaxibalo lava hlawulaka ku landzelerisa. Xikongomelo xa hina xa kungu xo sungula i ku pfuna ku hlamusela swiboho swa vona, xa vumbirhi i ku pfuna ku fikelela swiboho sweswo naswona xa vunharhu, lexi SARS yi xi endlaka hi mitsakelo ya vahakelaxibalo na vaxavisi, i nkoteko wo vhumbhunula no tihlamulela eka nkanandzeleriso. Leswi swi seketeriwa hi xivono xa SARS xo aka SARS ya VUTLHARHI, ya ximodeni, ku katsa na Khasitomo, sisiteme leyi nga na xindzhuti lexi nga kanakanisiki naswona leyi nga tshembhiwaka no naveriwa. Phurogireme ya AEO yi ringanela kahle eka xikongomelo xa kungu ra SARS naswona SARS yi tekelela phurogireme ya yona ya ximodeni ku tirhela xikongomelo lexi xa kungu no pfuna ku tisa mihandzu eka xivono lexi. Khasitomo ya SARS yi kongomisa eka fambiseni ka mfambiso wa tinhundzu na vanhu eka mindzilekano hi ndlela leyi hlamulaka xivono va xikongomelo xa kungu ra SARS.

SARS yi simekile Phurogireme ya yona ya AEO hi Hukuri 2020 naswona sweswi; dzana na makumenharhu nkombo wa tikhamphani, ti nyikiwile matimbak'endla tahihi vaxavisi, ti tiphina hi mimbuyelo ya mfambiso wa vuxavisi. Eka malembe ma mune lama ta ka, phurogireme yi ta ndlandlamuka ku katsa na vatlangi hinkwawo va hangalaso wa tinhundzu na vukorhokeri,

phurogireme leyi olovisiweke eka tiSMME, Phurogireme Yin'we AEO ya Mfumo na Phurogireme Yin'we ya AEO ya SACU leyi nga na mimbuyelo leyi tiyisisiweke.

Ku lemuka leswaku xinakulobye lexi cincacincaka exikarhi ka SARS na vakhumbheki xi na nkoka eka ku fambisa ntumbuluxo wa swilo swintshwa na nkulo wa ikhonomi na leswaku phurogireme ya AEO ya SARS yi tihlamulela swinene hi ku hetiseka eka mbangu lowu cincacincaka, SARS na BUSA swi pfumelelanile ku tumbuluxa *AEO Collaborative Stakeholder Group*. Kungu ra ntirho ra ntlhanu wa malembe leri tumbuluxiweke hi nhlanganelo ri ta hetisisa eka nkatso wa swifundza eka phurogireme hi 2025.

Hi ku ya hi Khomixinara wa SARS, "Nketani yi tiyile tanihi linki leyi tsaneke swinene. Loko SARS yi tiseketela hi vanakulobye, xindzhuti xa nketani kumbe netiweke ya mphakelo yi ta va yi tiyile tanihi leyi tsaneke exikarhi ka hina. Swi le ka mimbuyelo ya hina ku tiyisisa leswaku hi tirhisana ku sirhelela mimbuyelo ya hina hinkwerhu. Loko un'wana wa hina a vekela mimbuyelo yo lala ehenhla ka mimbuyelonhengeleto, hi ta fikelela mbuyelo wa nkarhi wo koma kambe hinkwerhu hi ta lahlekeriwa enkarhini wo leha. Khomixinara na CEO ya BUSA va pfumelelana, "Hi fanele ku tirha hi xiyimo xa le henhla no vekela mimbuyelo ya rixaka ya le henhla tanihi xivono xa hina xin'we lexikulu swinene - loko ku ve hi nga huhula eka ndzinganiso lowu wo fambisa vuxavisi, ku fambisa xindzhuti xa mindzilekano ya hina no ka hi nga khumbhi mali ya tiko leyi fanele ku ya eka nkwama.

Phurojeke ya AEO yi kongomisa eka ku tsavula tidyondzo ku suka eka endlelo ro antswa ra misava hinkwayo eka nhluvukiso wa endlelo ra Afrika-Dzonga leri tinyungubuyisaka no tirha kun'we eku tlakuseni ka vuxavisi, no sirhelela nkwama na vaakitiko va hina.